

ხელშეკრულება № 01-1012
სახელმწიფო შესყიდვის შესახებ

ქ. თბილისი

17 იანვარი, 2018 წ.

შემსყიდველი: საქართველოს განათლებისა და მეცნიერების სამინისტრო, წარმოდგენილი ეკონომიკური დეპარტამენტის უფროსის ფუნქციითა შემსრულებლის მამუკა ბერიძის სახით,

მისამართი: ქ. თბილისი, დ. უზნაძის ქ. №52;

ტელ.: 2 200 220

საბანკო რეკვიზიტები: სახელმწიფო ხაზინა, კოდი: TRESGE22; ა/ა GE24NB0330100200165022;

საიდენტიფიკაციო კოდი 202051224;

მიმწოდებელი: შპს „დატაკომი“, წარმოდგენილი მისი დირექტორის ავთანდილ ლომინაძის სახით,

მისამართი: ქ. ქუთაისი, ზ. გამსახურდიას 23

საბანკო რეკვიზიტები: სს „თიბისი ბანკი“;

კოდი TBCBGE22

ა/N GE10TB7060236080100008

საიდენტიფიკაციო კოდი 412706362

ერთი მხრივ - შემსყიდველი და მეორე მხრივ - მიმწოდებელი, SPA170016653 ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ - კალენდარული დღე, კვირა, თვე.

1.4 „შემსყიდველი“ - ორგანიზაცია, რომელიც ახორციელებს შესყიდვას.

1.5 „მიმწოდებელი“ - პირი, რომელიც ახორციელებს საქონლის მიწოდებას ხელშეკრულების ფარგლებში.

1.6 „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

ხელშეკრულების საგანია სატელეკომუნიკაციო მომსახურება, რომელიც თავის მხრივ მოიცავს ადგილობრივი, საქალაქთაშორისო, საერთაშორისო და მობილურ ოპერატორებთან დასაკავშირებლად განხორციელებულ სატელეფონო მომსახურებას (CPV: 64210000), რომლის რაოდენობა და აღწერილობა მოცემულია წინამდებარე ხელშეკრულების მე-4 პუნქტის 4.2 ქვეპუნქტით გათვალისწინებულ ცხრილში.

3. მომსახურების გაწევის წესი და პირობები

3.1 მომსახურება უნდა განხორციელდეს შემდეგი პირობების დაცვით:

- სატელეფონო კავშირის უზრუნველყოფა SIP ტექნოლოგიით, 60 ერთდროული არხით, მისამართზე ქ. თბილისი, ალექსიძის №1;
- ჩართვა პროვაიდერთან უნდა მოხდეს SIP 2.0 პროტოკოლით, SIP Trunk მექანიზმით,
- საქალაქთაშორისო და თბილისის სატელეფონო ნომრებზე კავშირი პრეტენდენტის ფიქსირებულ სატელეფონო ქსელში უნდა იყოს უფასო;

- ურთიერთჩართვა შესაძლებელი უნდა იყოს SIP 2.0 პროტოკოლით, SIP Trunk მექანიზმით, როგორც IP ასევე SIP Authentication აუთენტიფიკაციით;
- 3.2 მიმწოდებელმა უნდა უზრუნველყოს:
 - არსებული ერთი სატელეფონო ნომრის (220 02 20) შენარჩუნება;
 - საქალაქთაშორისო, საერთაშორისო და მობილურ ოპერატორებთან სატელეფონო მომსახურება წამობრივი დამრგვალებით შემსყიდველის თითოეულ ნომერზე;
 - ყოველთვიურად გაწეული მომსახურების შესახებ ანგარიშის წარმოდგენა, ბილინგის ფორმატი - Microsoft Excel და/ან Adobe Acrobat;
 - მოთხოვნის შემთხვევაში კანონით განსაზღვრული ინფორმაციის მიწოდება მომსახურების შესახებ. ასევე შემსყიდველის სატელეფონო ნომრებიდან განხორციელებული, მიღებული და გაცემული ინფორმაცია, რომელიც უნდა ინახებოდეს მიმწოდებლის ბაზაში;
 - დავალიანების შესახებ ინფორმაციის მიწოდება;
 - უშუალო მენეჯერის კონსულტაცია და ტექნიკური სპეციალისტების დახმარება 24 საათიან (24/7) რეჟიმში;
 - მომსახურების უწყვეტად შეფერხება/წყვეტა კალენდარული თვის მანძილზე არ უნდა აღემატებოდეს 2 საათს. წინააღმდეგ შემთხვევაში გამოყენებული იქნება წინამდებარე ხელშეკრულების მე-10 პუნქტის 10.1 ქვეპუნქტის პირობება.
 - საქართველოს კომუნიკაციების ეროვნული კომისიის მიერ განსაზღვრული პარამეტრებით ხარისხიანი სატელეფონო კავშირის უზრუნველყოფა;
 - მიმწოდებლის მიერ საერთაშორისო და მობილურ ოპერატორებთან ზარების განსახორციელებლად უნდა შემოთავაზებულ იქნას კოდი/ინდექსი;
 - შემსყიდველის ნომრებზე სხვა კომპანიების დავალიანების არსებობის შემთხვევაში, ტელეფონ(ებ)ზე გამავალი და შემომავალი ზარების შეზღუდვა არ განიხილება;
 - ტელეფონის ნომრებზე შეზღუდული უნდა იყოს საინფორმაციო ზარები (11809, 11808), აღნიშნული სერვისი ჩართული იქნება ცალკეულ ნომრ(ებ)ზე შემსყიდველის მოთხოვნის შესაბამისად;
 - საჭიროების შემთხვევაში შესაძლებელი იქნება ნომრის შემსყიდველის მიერ მითითებულ მისამართზე გადატანა ყოველგვარი დამატებითი ხარჯების გარეშე და ასევე, ახალი ნომრების უსასყიდლოდ გამოყოფა და დადგმა შესაბამისად მასზე გავრცელდება სატენდერო წინადადებით შემოთავაზებული ტარიფები.

4. ხელშეკრულების ჯამური ღირებულება

4.1 ხელშეკრულების საერთო ღირებულება შეადგენს 638.00 (ექვსას ოცდათვრამეტი) ლარს.

4.2 შესყიდვის ობიექტის მახასიათებლები და ერთეულის ფასები მოცემულია ქვემოთ წარმოდგენილ ცხრილში:

№	მომსახურების აღწერა	განზომილების ერთეული	სავარაუდო რაოდენობა	ერთეულის ფასი	მთლიანი ღირებულება
1	ყოველთვიური სააბონენტო გადასახადი ფიქსირებულ ტელეფონზე (2 ტელეფონი)*	თვე	ხელშეკრულების გაფორმებიდან 2018 წლის 31 დეკემბერი (12 თვე)	0	0
2	ერთდროული არხების რაოდენობა	არხი	60	0	0
3	ადგილობრივი სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) ქსელის შიდა ნომრებზე, მათ შორის ფიქსირებულ და უკაბელო ტელეფონის აბონენტებთან	წთ.	ულიმიტო	0	0
4	ადგილობრივი სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) სხვა ქსელის შიდა ნომრებზე, მათ შორის ფიქსირებულ და უკაბელო ტელეფონის აბონენტებთან	წთ.	87 000,00	0.004	348.00
5	საქალაქთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) ქსელის შიდა ნომრებზე, მათ შორის ფიქსირებულ და უკაბელო ტელეფონის აბონენტებთან	წთ.	ულიმიტო	0	0

6	საქალაქთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) სხვა ქსელის შიდა ნომრებზე, მათ შორის ფიქსირებულ და უკაბელო ტელეფონის აბონენტებთან	წთ.	900,00	0.010	9.00
7	სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) მობილურ ოპერატორებთან	წთ	35 000,00	0.007	245.00
8	საერთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) ცენტრალური და აღმოსავლეთ ევროპის კონტინენტზე (ფიქსირებული ტელეფონის ნომრებზე)	წთ	450,00	0.010	4.50
9	საერთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) ცენტრალური და აღმოსავლეთ ევროპის კონტინენტზე (მობილურ ოპერატორებთან)	წთ	450,00	0.010	4.50
10	საერთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) ამერიკის კონტინენტზე (აშშ, კანადა) (ფიქსირებული ტელეფონის ნომრებზე)	წთ	450,00	0.010	4.50
11	საერთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) ამერიკის კონტინენტზე (აშშ, კანადა) (მობილურ ოპერატორებთან)	წთ	450,00	0.010	4.50
12	საერთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) ამერიკის კონტინენტზე (სხვა ქვეყნები, გარდა მე-10 პუნქტში მითითებული ქვეყნებისა) (ფიქსირებული ტელეფონის ნომრებზე)	წთ	180,00	0.010	1.80
13	საერთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) ამერიკის კონტინენტზე (სხვა ქვეყნები, გარდა მე-11 პუნქტში მითითებული ქვეყნებისა) (მობილურ ოპერატორებთან)	წთ	180,00	0.010	1.80
14	საერთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) დსთ-ს ქვეყნებში (ფიქსირებული ტელეფონის ნომრებზე)	წთ	180,00	0.010	1.80
15	საერთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) დსთ-ს ქვეყნებში (მობილურ ოპერატორებთან)	წთ	180,00	0.010	1.80
16	საერთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) აზიის კონტინენტზე (ფიქსირებული ტელეფონის ნომრებზე)	წთ	180,00	0.010	1.80
17	საერთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) აზიის კონტინენტზე (მობილურ ოპერატორებთან)	წთ	90,00	0.010	0.90

18	საერთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) აფრიკის კონტინენტზე (ფიქსირებული ტელეფონის ნომრებზე)	წთ	90,00	0.010	0.90
19	საერთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) აფრიკის კონტინენტზე (მობილურ ოპერატორებთან)	წთ	90,00	0.010	0.90
20	საერთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) ავსტრალიასა და ოკეანეთში (ფიქსირებული ტელეფონის ნომრებზე)	წთ	90,00	0.010	0.90
21	საერთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) ავსტრალიასა და ოკეანეთში (მობილურ ოპერატორებთან)	წთ	90,00	0.060	5.40
სულ ჯამი:					638.00

შენიშვნა:

- შესყიდვის ობიექტის თავისებურებიდან გამომდინარე, მოცემულია სავარაუდო მოცულობა, რომელიც შეიძლება სრულად არ იქნეს ათვისებული, ასევე თუ მომსახურების გაწევისას აღმოჩნდა, რომ მომსახურების ჩამონათვალიდან რომელიმე პოზიციაზე მომსახურების მოცულობა ამოიწურა და აღნიშნული მომსახურების შესყიდვა დამატებით გახდა აუცილებელი, შემსყიდველის შეხედულებისამებრ, მხარეთა შეთანხმების საფუძველზე შესაძლებელია ხელშეკრულების ფარგლებში განხორციელდეს ცვლილება სხვა მომსახურების მოცულობის შემცირებით, ხელშეკრულების ღირებულების შეუცვლელად.
- ამასთან, ხელშეკრულების მიმდინარეობის პროცესში შესაძლებელია წარმოიშვას ახალი სატელეფონო ნომრების ჩართვის აუცილებლობა, რაზეც უნდა გავრცელდეს შემოთავაზებული ტექნიკური დოკუმენტაციის შესაბამისი პირობები.

4.3 ხელშეკრულების ჯამური ღირებულება მოიცავს მიმწოდებლის ყველა ხარჯსა (მათ შორის, მომსახურებასთან დაკავშირებულ სამონტაჟო, გაყვანილობის და დაერთების სამუშაოების ღირებულებას) და საქართველოს კანონმდებლობით დადგენილ ყველა გადასახადს.

5. ანგარიშსწორების ფორმა და ვადები

- 5.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 5.2 ანგარიშსწორების საფუძველია მხარეებს შორის გაფორმებული მიღება-ჩაბარების აქტი და შესაბამისი ფონანსური დოკუმენტაცია.
- 5.3 ანგარიშსწორება მოხდება ფაქტიურად გაწეული მომსახურების ღირებულების მიხედვით, კანონმდებლობით დადგენილი დოკუმენტაციის გაფორმების საფუძველზე.
- 5.4 მიმწოდებელთან ანგარიშსწორება განხორციელდება ეტაპობრივად, საანგარიშო თვის მომდევნო თვის 25 რიცხვამდე.
- 5.5 წინასწარი ანგარიშსწორება არ გამოიყენება.
- 5.6 დაფინანსების წყარო: 2018 წლის სახელმწიფო ბიუჯეტი, („განათლებისა და მეცნიერების სფეროში სახელმწიფო პოლიტიკის შემუშავება“ (პროგრამული კოდი 320101).

6. შესყიდვის ობიექტის მიღება-ჩაბარების წესი

- 6.1 შესყიდვის ობიექტი ჩაითვლება მიღებულად ყოველთვიურად გაწეული მომსახურების შესახებ მიმწოდებლის მიერ წარმოდგენილი ანგარიშის (ბილინგის ფორმატი - Microsoft Excel და/ან Adobe Acrobat) და მხარეებს შორის გაფორმებული მიღება-ჩაბარების აქტის საფუძველზე.

6.2 მიმწოდებელი ვალდებულია შემსყიდველის მხრიდან მოთხოვნილი შესყიდვის ობიექტის მიწოდების დადასტურებისა და ანაზღაურების მიღების მიზნით შემსყიდველს წარუდგინოს შესაბამისი ფინანსური დოკუმენტაცია.

6.3 შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს მატერიალურ-ტექნიკური უზრუნველყოფის სამმართველოს უფროსი ან შესაბამისად უფლებამოსილი პირი.

7. შესყიდვის ობიექტის მიწოდების ვადა და ადგილი

7.1 მომსახურების გაწევა განხორციელდება უწყვეტად, ხელშეკრულების გაფორმებიდან 2018 წლის 31 დეკემბრის ჩათვლით.

7.2 შესყიდვის ობიექტის მიწოდების ადგილია: ქ. თბილისი, ალექსიძის ქ. №1.

8. მხარეთა უფლება-მოვალეობები

8.1. მიმწოდებელი ვალდებულია შემსყიდველს მოაწოდოს ხელშეკრულებაში მითითებული შესყიდვის ობიექტი წინამდებარე ხელშეკრულებით გათვალისწინებულ ვადაში. იგი პასუხისმგებელია გაწეული მომსახურების ხარისხზე;

8.2 მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

8.3 შემსყიდველი ვალდებულია უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადაში.

8.4 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

9. ხელშეკრულების შესრულების კონტროლი

9.1 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

9.2 ხელშეკრულების კონტროლს განახორციელებს მატერიალურ-ტექნიკური უზრუნველყოფის სამმართველოს საინფორმაციო ტექნოლოგიების მენეჯერი (შრომითი ხელშეკრულებით დასაქმებული პირი) გრიგოლ მანაგაძე.

9.3 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულებით გათვალისწინებული ვალდებულებებისაგან.

10. ხელშეკრულების პირობების შეუსრულებლობა

10.1 ფორს-მაჟორული პირობების გარდა, იმ შემთხვევაში თუ კალენდარული თვის მანძილზე გაწეული მომსახურება უწყვეტად შეფერხდება/შეწყდება 2 საათზე მეტი დროით, შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ღირებულების 0,5%-ის ოდენობით.

10.2 მიმწოდებლის მიერ ხელშეკრულებით ნაკისრი ვალდებულების არაჯეროვანი შესრულების ან/და შეუსრულებლობის შემთხვევაში მას დაეკისრება პირგასამტეხლოს გადახდა ხელშეკრულების ღირებულების 5%-ის ოდენობით.

10.3 წინამდებარე ხელშეკრულების მე-5 მუხლის 5.4 პუნქტით გათვალისწინებული პირობის დარღვევის შემთხვევაში, მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე ასანაზღაურებელი თანხის ოდენობის 0,01%.

10.4 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 1 თვის ვადისა.

11. ხელშეკრულებაში ცვლილებების შეტანა და ხელშეკრულების შეწყვეტა

11.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე

მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11.4 თუ რაიმე წინასწარ გათვალისწინებული მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია წერილობით წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს შესაბამისი ინფორმაცია.

11.5 იმ შემთხვევაში როდესაც საქართველოს კანონმდებლობით განისაზღვრება იმგვარი პირობა რითაც ერთერთი მხარე ვეღარ ასრულებს ხელშეკრულებით გათვალისწინებულ ვალდებულებას, შესაბამისი მხარე უფლებამოსილია ცალმხრივად შეწყვიტოს ხელშეკრულება.

11.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. ფორს-მაჟორი

12.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

12.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი

მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

12.3 მიმწოდებლისთვის ფორს-მაჟორული გარემოების დადგომა უნდა დასტურდებოდეს საქართველოს სავაჭრო-სამრეწველო პალატის მიერ.

12.4 შემსყიდველისთვის მიერ ფორს-მაჟორული გარემოების დადგომა უნდა დასტურდებოდეს კანონმდებლობით დადგენილი წესით.

12.5 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ინტერესთა კონფლიქტი

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმომწერი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

15. ხელშეკრულების მოქმედების ვადა

15.1 ხელშეკრულება ძალაში შედის მისი ხელმოწერის დღიდან და მოქმედებს 2019 წლის 31 იანვრის ჩათვლით, მხარეთა მიერ ნაკისრი ვალდებულებების სრულად შესრულებამდე.

15.2 მხარეები ვალდებული არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

16. ზოგადი დებულებები

16.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

16.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

16.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

16.4 ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი რჩება შემსყიდველს, ერთი – მიმწოდებელს.

მხარეები არსებითად ეთანხმებიან წინამდებარე ხელშეკრულების პირობებს, რასაც ადასტურებენ ხელმოწერით:

რეკვიზიტები:

შემსყიდველი:

საქართველოს განათლებისა და მეცნიერების
სამინისტრო

ეკონომიკური დეპარტამენტის უფროსის
ფუნქციითა შემსრულებლი
მამუკა ბერიძე

მიმწოდებელი:

შპს „დატაკომი“

დირექტორი
ავთანდილ ლომინაძე